

کتاب طبرستان

اون بش کونده بر نشر اولنور دینی ، علمی مجموعه اسلامیہ در


صاحب و مدیر مسئولی

ابو العلا زین العابدین

تاریخ تأسیسی

۱۳۳۰

عدد ۱ ۲ جمادی الاول سنه ۱۳۳۰ پنجشنبه ۵ نیسان ۱۳۲۸ برنجی جلد



تَفْصِيلُ نَشْرِ نَفْسِ الْأَوْتَرَانِ

۵۴ -- وَ اِذْ قَالَ مُوسٰى لِقَوْمِهِ يٰٓاَقَوْمِ اِنَّكُمْ ظَلَمْتُمْ اَنْفُسَكُمْ بِاتِّخَاذِكُمُ
الْعِجْلَ فَتُوبُوْا اِلَىٰٓ اٰرَابِكُمْ فَاَقْتُلُوْا اَنْفُسَكُمْ ذٰلِكُمْ خَيْرٌ لَّكُمْ عِنْدَٰ رَبِّكُمْ
فَتَّابٌ عَلِيْمٌ اِنَّهُ هُوَ التَّوَّابُ الرَّحِيْمُ .

[اولجه یاد و تذکار فلان و قائم بن بشقه بو آیت ایله زبرده کی اوج آیتده دخی مؤخر اوله رق ذکرى مقتضای بلاغت و حکمت بولنان دیکر وقائع درخاطر ایتدیریلدور. معلومدرکه انسانی قومک مناقب و مفاخرینه دائر سوبله بن سوز قدر هیچ برسوز محظوظ ایدمز ؛ بناءً علیه اول امرده بنی اسرائیلله انعام اولنان نعمت بجملاً ذکر اولنمش و وقتیه عالملا اوزرینه تفضیل اولندقلری بیان ایدلهزک وقائعک تذکارینه ، سامعه بنی اوقشار و قلبه انشراح و صفا ورر بر تمهید ایله باشلاشمش ایدی . صکره نعمت واقعه تفصیل و ایضاح اولنه رق ابتدا او نعمتک افراندن بر فرد اولق اوزره آل فرعونک ظلمندن تخلص ایدلکلری ذکر اولندی . بو نعمت ذکر ایدیلور ایکن واقعا بنی اسرائیلک سیئاتندن هیچ بر سیئه لری ذکر اولغیورسه ده ظلمک اکبر انواعی اولق اوزره ازکک چو جقارینک آل فرعون طرفندن قتل ایدلمش اولدیفنک بو ائشاده یاد و تذکار ایدلمی ، جناب حقک هیچ بر قومی کندیلاری اوزرینه غالب و سرور ایتیمه جکفی معتقد بولنان او طائفه خود بین متکبرک کبر و غرور بنی کسر ایدیور ومع مافیه بونده کندیلرینه تقصیر و سوء عمل کبی بر شی عزو و اسنادی اولمدیفندن القا اولنان کلامه اماله کوش ایله تدبر و تفکرندن انلری تبعید ایتیمور . بونی متعاقب دخی بر نعمت خاصه صافیه ذکر ایدلمشدرکه بونک رونق و طراوتی اکا مربوط بر خاطره غم انکیز اخلاص ایلدیکنندن انکله فخر و تباهی غم و غصه ایله آلوده اولمدیفنه مبنی او نعمت نه زمان یاد ایدلسه نفس

پر نشو و صفا اولور ، بوده بحر احمر بی اسرائیل ایچون شق اوله رق اورادن سلماً مرور ایله نجات بوللری و کوزلری اوکنده دشمن بی امانک تلاطم امواج میاه ایله قعر دریاده محو و نابود اولمسیدر . بونعمت صافییه متدائر بولسان آیت کریمه جناب حقک بی اسرائیله اولان لطف و عنایتنه شهادتی تضمن ایلدیکندن بی محترم صلی الله علیه و آله و سلم افندمن انی عصر نزول قرآنده موجود اولاد یعقوبه تلاوت بیوردینی زمان شهرسز کولکاری شوق و شادی ایله تهیج ایتش ، هله او شدتلی سرزنش و عتابلری ناطق مشرکین عربیه وقوع بولان تذکار ایله بو تذکاری بری بریله مقایسه ایدرک شوق و شادیلری قات قات ارمشدر . فقط شو تهیج ایله وادی تعظم و تکبرده پویان اولاملری ایچون بو نعمت صافییه تذکاری متعاقب ، انلرک نفسلرینه ظلم ایلدیکلری و نعمت الهیه کفرانلری متضمن عظیم برسیتهلری ذکر اولمشدرکه اوده بوزاغی اله و معبود اتخاذا ایلریدر . بوسیته تذکرندن اول ایسه نعم الهیه جمله سندن اولق اوزره موسی علیه السلامه توراک احسانی وعد اولدینی بیان ایدلش و خاتمه کلامده دخی سیئه مذکوره نک بیان عفونی متعاقب کندیلرینه کتاب و فرقان انعام ایلدیک ذکر اولمش ایدی .

نهایت ، بی اسرائیل بو آیت کریمه ایله زیرده کی اوج آیتده ذکر اولنان وقائی استماعه مستعد بر حاله کلنجه نوبت کلام او وقائی تذکاره انتقال ایشدر . او وقعه لرند بری موسی علیه السلامک بی اسرائیله نفسلری قتل ایللری امر ایتمسیدر . وقعه الی یومنا هذا ایدی بی اسرائیله متداول بولنان توراده مذکوردر . موسی علیه السلام ربه رجوع ایدلری نفسلری قتله دعوت ایدی ، بی لاوی دعوته اجابت ایلر ایله موسی انلره قیلجیلری الوب بری برلری قتل ایتلری امر ایلدی . او کون اوج بیسک کشی قدر قتل اولندی . بعض مفسرین : او کون قتل اولسانلرک عددی یتمش بیک کشی اولدینی بیان ایتشدرسه قرآن کریم عددی تعیین بیورمیش اولدینی کبی قصه دن مقصود اولان عبرت دخی تعیین عدده متوقف دکلد . وقعه نک عبرت النهج جهت مهمه سی شویله تذکار بیوریلور : [و تخظر ایدک اول دمی که موسی [علیه السلام] قومنه دیدی که ای قوم سز بوزاغی بی [معبود] اتخاذا ایله نفسلریکزه محقق ظلم ایتش اولدیغکزدن باری [و خالق] کزه توبه ایدوب نفسلریکزی قتل ایدک [سزی بر شکل زیبای ممتازده متفکر و متعقل اوله رق خلق ایدن ذات بارینک عبادتدن روگردان اولوبده کسندی

الکثر ایله اعمال ایلدیککز بوزاغییه تعبد ایتمکز اکبر ذنوب اولمغه بوندن ذات اقدس باری به رجوع و توبه بی عزم ایدرک نفسلریکزی اولدیرک [. باری [وخالق] کز عندنمه بو سز کچون خیرلیدر [زیرا شرکشدن طهارت و حیات ابدیه و بهجت سرمدیه به وصلتدر] . ایمدی [سز امر اولندیغکز شیئی یرینه کتوردیککزدن باری تعالی و تقدس حضرتلری] توبه کزی قبول ایلدی . جناب حق ثواب رحیمدر [قوللرینه لطف و مرحمت ایدوب توبه لرینی قبول ایدر] .

توبه ذنبه اولان رغبتک اثرینی لوح قلبدن سیلمکدر . توبه به باعث اولان شی ، ثابت عصیان ایلدیکی ذات علیهمک عظمتنی و کندیبی اوزرنده حالاً قدرتی بولندیغنی و مآلاً اکا رجوع ایده جکینی حس و ادراک ایلیدر . اکتساب ذنبدن صکره بو قدرت الهیهی حس و ادراک شه سز مؤمنک قلبنده هیئت و خشیت او یاندیرر و ایشله دیکی ذنبدن طولانی روحنده بر تأثر و بونک کسندندن صدور ایلدیکی ایچون بر ندامت پیدا ایدر . بو حال ایسه درونده ، اوزنبه دائر و عیدک و اوزنبه اوزرینه الله تعالی حضرتلرینک دنیا و آخرتده ترتیب ایلدیکی عقوبتک تذکر و تفکرینی اتریرر . نفسده توبه نیک اثری ایشه بودر . بو اثر تابی ، او توبه ایلدیکی ذنبه مضاد و انک سوء اثرینی ماحی اعمالی ایشله مک ایچون ازعاج ایدر « ان الحسنات یذهبن السیئات » . ایمدی اول اعمال که نفسه شاق اولور و ذنبک اکتسابندن صکره درونده پیدا ایلدیکی او حس و ادراک اولیه ایدی نفسک او اعمالی ایشله میه جکی درکاردر ، ایشه انی ایشله مک توبه نصوح علامتسنددر . بو علامت توبه دن تخلف ایتمز ، ذنب ایستر الله تعالی به ، ایستر ناسه قارشو اولسون . کورلزمی که برکیمسه دن مبالاة ایتدیکی بر کسنه به قارشو بر ذنب صدور ایتسه انک طرفندن یاپیله جق شیک اهوونی کلوب او کسنه به ذنبی اعتراف ایله آندن عذر دیله مکدر ، بو ایسه بر ذلدر که نفسه شه سز کران کلور . بنی اسرائیل کندیلرینی یارادان ذات باری جل شانه حضرتلرینک عبادتندن اعراض ایدوب اللریله بایقاری شیئه طایفه میل ایتمش اولدقاری جهته بو اکبر ذنوبدن توبه لری تحقق ایتمک ایچون اک شاق اولان اعمال ایله امر اولندیلر و بو امر علیهمینه احتجاجی و جهلیری اوزرینه برهانی تضمن ایتسون ده انلری اله حقیقی انجیق حضرت خالق باری اولدیغنه ایقظ ایلسون ایچون « فتوبوا الی بارئکم » بیورلدی .

ع .

برکت زاده اسماعیل حق